

Bil. S 62

PERLEMBAGAAN NEGARA BRUNEI DARUSSALAM
(Perintah di bawah Perkara 83(3) dan (5))

PERINTAH PERBEKALAN TAMBAHAN (2005/2006) (BIL. 2), 2005

SUSUNAN BAB-BAB

Bab

1. Gelaran.
2. Perbelanjaan tambahan bagi tahun 2005/2006, peruntukan dan penggantian jumlah wang yang dipinjamkan dari Kumpulanwang Luarjangka.

JADUAL

PERLEMBAGAAN NEGARA BRUNEI DARUSSALAM
(Perintah di bawah Perkara 83(3) dan (5))

PERINTAH PERBEKALAN TAMBAHAN (2005/2006) (BIL. 2), 2005

BAHAWASANYA Kebawah Duli Yang Maha Mulia Paduka Seri Baginda Sultan dan Yang Di-Pertuan dengan suatu Pemasyhuran Darurat (S 22/04) bertarikh 8 haribulan Mac, 2004 telah mengisytiharkan dan memasyhurkan mulai dari tarikh tersebut suatu keadaan darurat bagi seluruh Negara;

DAN BAHAWASANYA adalah diperuntukkan oleh Fasal (3) Perkara 83 dari Perlembagaan Negara Brunei Darussalam bahawa apabila suatu Pemasyhuran Darurat telah dibuat dan selagi Pemasyhuran tersebut berkuatkuasa, Kebawah Duli Yang Maha Mulia Paduka Seri Baginda Sultan dan Yang Di-Pertuan boleh membuat apa jua Perintah pun yang Baginda fikirkan dikehendaki bagi kepentingan orang ramai;

DAN BAHAWASANYA adalah diperuntukkan oleh Fasal (5) Perkara 83 dari Perlembagaan Negara Brunei Darussalam bahawa Kebawah Duli Yang Maha Mulia Paduka Seri Baginda Sultan dan Yang Di-Pertuan boleh membuat semua peruntukan kewangan sebagaimana yang difikirkan perlu oleh Baginda selama tempoh darurat itu, termasuk peruntukan bagi perkhidmatan awam;

DAN BAHAWASANYA satu jumlah wang empat ribu, empat ratus tiga puluh tiga juta, lapan ratus lima puluh dua ribu dan empat ratus enam ringgit (\$4,433,852,406.00) telah diperuntukkan oleh Perintah Perbekalan (2005/2006), 2005 (S 22/05);

DAN BAHAWASANYA satu jumlah wang tiga puluh satu juta, tujuh ratus tujuh ribu dan empat ratus sembilan puluh sembilan ringgit (\$31,707,499.00) telah diperuntukkan oleh Perintah Perbekalan Tambahan (2005/2006), (Bil. 1) 2005 (S 58/05);

DAN BAHAWASANYA adalah sekarang perlu untuk mengadakan satu peruntukan tambahan sebanyak dua puluh lapan juta, sembilan ratus tiga puluh empat ribu, tiga ratus lima puluh satu ringgit dan empat sen (\$28,934,351.04);

OLEH YANG DEMIKIAN MAKA, pada menjalankan kuasa-kuasa yang diberikan kepada Baginda oleh Fasal-Fasal (3) dan (5) Perkara 83 dari Perlembagaan Negara Brunei Darussalam, Kebawah Duli Yang Maha Mulia Paduka Seri Baginda Sultan dan Yang Di-Pertuan dengan ini membuat Perintah yang berikut —

Gelaran.

1. Perintah ini boleh digelar sebagai Perintah Perbekalan Tambahan (2005/2006) (Bil. 2), 2005.

Perbelanjaan tambahan bagi tahun 2005/2006, peruntukan dan penggantian jumlah wang yang dipinjamkan dari Kumpulanwang Luarjangka.

2. (1) Pengeluaran sejumlah wang yang tidak melebihi dua puluh lapan juta, sembilan ratus tiga puluh empat ribu, tiga ratus lima puluh satu ringgit dan empat sen (\$28,934,351.04) dari Kumpulanwang Yang Disatukan bagi perbelanjaan ke atas perkhidmatan-perkhidmatan yang dinyatakan dalam Jadual bagi tahun 2005/2006, yang tidak diperuntukkan atau tidak diperuntukkan sepenuhnya oleh Perintah Perbekalan (2005/2006), 2005 (S 22/05) dan Perintah Perbekalan Tambahan (2005/2006) (Bil. 1), 2005 (S 58/05) adalah dengan ini dibenarkan.

(2) Wang ini adalah diperuntukkan bagi perkhidmatan-perkhidmatan yang dinyatakan dalam Jadual.

(3) Penggantian jumlah wang yang ditunjukkan dalam ruang ketiga bagi jumlah wang yang ditunjukkan dalam ruang keempat dari Jadual ialah jumlah wang yang dipinjamkan dari Kumpulanwang Luarjangka yang diwujudkan di bawah ceraihan (1) bab 10 dari Perintah Perlembagaan (Prosedur Kewangan) adalah dengan ini dibenarkan.

JADUAL

[1]	[2]	[3]	[4]
Tajuk	Gelaran	Jumlah Yang Diperuntukkan kepada Tajuk	Penggantian Pinjaman dari Kumpulanwang Luarjangka

JABATAN PERDANA MENTERI

SA12A	Pasukan Polis Diraja Brunei	\$126,404.50	\$126,404.50
-------	-----------------------------	--------------	--------------

KEMENTERIAN KEWANGAN

SD08A	Perkhidmatan Rampaian HMSF	\$6,178,584.18	\$6,178,584.18
-------	----------------------------	----------------	----------------

JADUAL — *sambungan*

[1]	[2]	[3]	[4]
Tajuk	Gelaran	Jumlah Yang Diperuntukkan kepada Tajuk	Penggantian Pinjaman dari Kumpulanwang Luarjangka
	KEMENTERIAN HAL EHWAL DALAM NEGERI		
SE02A	Lembaga Bandaran Bandar Seri Begawan	\$166,500.00	\$166,500.00
SE04A	Lembaga Bandaran Tutong	\$156,500.00	\$156,500.00
SE06A	Pejabat Daerah Brunei dan Muara	\$83,600.00	\$83,600.00
	KEMENTERIAN PENDIDIKAN		
SF02A	Universiti Brunei Darussalam	\$3,079,619.00	\$3,079,619.00
	KEMENTERIAN KEBUDAYAAN, BELIA DAN SUKAN		
SL04A	Muzium	\$125,000.00	\$125,000.00
	KEMENTERIAN KESIHATAN		
SM01A	Jabatan Kementerian Kesihatan	\$2,100,200.00	\$2,100,200.00
	KEMENTERIAN PERHUBUNGAN		
SN02A	Jabatan Laut	\$902,653.36	\$902,653.36
SN07A	Jabatan Telekom	\$16,015,290.00	\$16,015,290.00
		<u>\$28,934,351.04</u>	<u>\$28,934,351.04</u>

WARTA KERAJAAN NEGARA BRUNEI DARUSSALAM

Diperbuat pada hari ini 14 haribulan Ramadan, Tahun Hijrah 1426 bersamaan dengan 18 haribulan Oktober, 2005 di Istana Nurul Iman Beta, Bandar Seri Begawan, Negara Brunei Darussalam.

KEBAWAH DULI YANG MAHA MULIA
PADUKA SERI BAGINDA SULTAN DAN YANG DI-PERTUAN
NEGARA BRUNEI DARUSSALAM